

खबरां पूजा वजीर कोला

- प्रधानमंत्री नरेंद्र मोदी होर ओस्लो पुज्जे, उनें नारवे दे प्रधानमंत्री जोनस गेहर स्टोर हुंदे कन्नै दपक्खी गल्लबात कीती।
- प्रधानमंत्री मोदी होरें आखेआ जे उंदे स्वीडन दौरे कारण दपक्खी रिश्ते च मजबूती आई ऐ कीजे दवें मुल्लख अगले 5 बरें च उद्योग दोगुणा करने लेई राजी होए।
- कांग्रेस नेता वी.डी सथीसन होरें 20 काबिना मंत्रिणं सने केरलम दे मुखमंत्री दे तौर पर संगंध लैती।
- पच्छिम बंगाल सरकार नै राज्य सरकार दे कर्मचारिणं आस्तै 7में वेतन आयोग गी मंजूरी दिती।
- केंद्री गृह मंत्री अमित शाह होरें छत्तीसगढ़ दे रायपुर जिले च 400 आपातकालीन प्रक्रिया गड्डिणं गी झंडी दस्सी।
- आई.पी.एल क्रिकेट च मेजबान चेन्नई सुपर किंग्स दा मुकाबला अज्ज संझा सनराईजर्स हैदराबाद कन्नै होग।

<><><><><><>

PM-Sweden

प्रधानमंत्री नरेंद्र मोदी होर अपने 2 दिन दे स्वीडन दौरे गी पूरा करिए नोखे आस्तै निकली गए ना। इक सोशल मीडिया पोस्ट च मोदी होरें आखेआ जे उंदा स्वीडन दा दौरा दपक्खी रिश्ते गी नमीं रफ्तार देने आस्तै महत्वपूर्ण ना। उनें आखेआ जे दपक्खी रिश्ते दा लेइयै रणनीतिक सांझेदारी, संयुक्त नवीनीकरण सांझेदारी 2.0 गी शुरू करने ते भारत स्वीडन तकनीक ते ए.आई गलियारे थमां अगले 5 बरें च दपक्खी बपार गी दोगुणा करने दा लक्ष्य स्थापित करने तोड़ी हर क्षेत्र सरबंधत चर्चा कीती गेई। प्रधानमंत्री होरें स्वीडन दे लोकें, सरकार ते प्रधानमंत्री उल्फ क्रिस्टीरस्सन हुंदा उंदी मेहमानवाजी आस्तै धन्नवाद कीता। प्रधानमंत्री नरेंद्र मोदी हुंदे स्वीडन दे दौरे बारै जानकारी दिंदे होई स्हाढे संवाददाता नै दस्सेआ जे दपक्खी रिश्ते थमां रणनीतिक सांझेदारी दे स्तर धोड़ी अगले होने च भारत स्वीडन जायंट एक्शन प्लान-2026-2030 दी अहम भूमिका ऐ। अगले 5 बरें च दपक्खी आर्थिक लेन-देन गी दोगुणा करना ते मेक इन इंडिया ते मेड विद स्वीडन जनेई शुरूआतें तैहत सहयोग गी बदाया जाहगा। प्रधानमंत्री मोदी होरें गी स्वीडन दे सर्वोच्च कुसै दुए देश दे राश्ट्री अध्यक्ष लेई सममान रायल आर्डर आफ दा पोलर स्टार कन्नै सम्मानित कीता गेआ।

<><><><><><>

पहली बारी मंत्री बने ना। नमीं काबिना च कांग्रेस पार्टी दे प्रतिनिधि ना। इंडियन यूनियन मुस्लिम लीग मुस्लिम लीग दे 5 मंत्री एहदे च शामिल ना। शपथ समारोह च कांग्रेस प्रधान मल्लिकार्जुन खड्गे, पार्टी खड्गे, पार्टी नेता राहुल गांधी, कर्नाटक दे मुख्मन्त्री सारामईया, तेलंगाना दे मुख्मन्त्री रेवंथ रेड्डी, रेड्डी, हिमाचल प्रदेश दे मुख्मन्त्री सुखविंद्र सिंह सुक्खु ते केरलम बीजेपी राज्य प्रधान राजीव चंद्रशेखर होर मौजूद हे। शपथ समारोह दे तुरत मगरा नमीं सकार नै पैहली काबिना बैठक बी लाई।

<><><><><><>

WB-Govt.

पच्छिम बंगाल सरकार दी काबिना नै 7में वेतन आयोग गी लागू करने आस्तै संवैधानिक मंजूरी देई दित्ती ऐ। सरकारी कर्मचारी, सरकारी बोर्ड दे कर्मचारी, कार्पोरेशन ते दुए राज्य सरकार आसेआ मदाद पा'रदी इकाइएं ते स्कूलें दे कर्मचारिएं गी एहदा लाहू थ्होग। इक महत्वपूर्ण फैसले च काबिना नै अज्ज सूचना ते सांस्कृतिक मामलें सरबन्धी ते अल्पसंख्यक ते मदरसास विभाग दे तैहत 1 जून थमां बकख-बकख तरीके दे सिद्धे लाहू गी बंद करने गी बी मंजूरी देई दित्ती ऐ। इनें विभागें तैहत वजीफे दी स्कीमां जारी रौहडन। राज्य सरकार नै महिलाएं आस्तै छोटे ते लम्मे सफर आस्तै फ्री ट्रांसपोर्ट सेवा शुरू करने गी बी मंजूरी देई दित्ती ऐ। राज्य च महिलाएं आस्तै अन्नपूर्ण स्कीम बी शुरू कीती जाह्ग जेदे तैहत 3 ज्हार रपे सिद्धे लाभार्थी दे बैंक खातें च जाह्ग। कोलकाता हाई कोर्ट दे निर्देश मताबक बंगाल आस्तै होरनें पिछड़े वर्गें दी नमीं सूची तैयार कीती जाह्ग। मुख्मन्त्री सुवेंधु अधिकारी होरें राज्य सचिवालय नाबन्ना च काबिना दी बैठक लाई।

<><><><><><>

PM-MKB

प्रधानमंत्री नरेन्द्र मोदी होर इस म्हीने दी 31 तरीक गी आकाशवाणी थमां 'मन की बात' कार्यक्रम च इक्क बारी परतिये अपने बचार सांझे करडन। एहू इस मासिक रेडियो कार्यक्रम दी 134मीं कड़ी होग। श्रोता टोल-फ्री नंबर 1800-11-7800 पर कार्यक्रम आस्तै अपने बचार ते सुझाऽ भेजी सकदे ना। एहू सुझा नरेन्द्र मोदी ऐप या मायगाँव ओपन फोरम राएं बी दित्ते जाई सकदे ना। तुस 1922 पर मिस्ड कॉल देइयै ते एस.एम.एस. थमां हासल लिंक थमां बी सिद्धे प्रधानमंत्री होरें'गी सुझा भेजी सकदे ना। सुझा 29 तरीक तगर स्वीकार कीते जाडन।

<><><><><><>

Goyal Bharat

केंद्री उद्योग ते बपार मंत्री पीयूष गोयल होरें आखेआ ऐ कि भारत वैश्विक चुनौतिएं ते यक्कोतक्की यक्कोतक्की आहले हालात दे बावजूद बी तेजिया कन्नै अगड़े बधै करदा ऐ। अज्ज नमीं दिल्ली दे भारत भारत मंडपम च आयोजित कांफेडरेशन आफ आल इंडिया ट्रेडर्स दे राश्ट्री सम्मेलन च भारती बपार बपार महोत्सव दी अधिकारिक वेबसाइट दी शुरूआत कीती। इस दरान उनें देश दे बपार स्वदेशी अर्थ अर्थ बवस्था ते निर्यात गी लेइयै केई महत्वपूर्ण गल्ला आक्खियां जिंदे स्वदेशी उत्पादें गी बढ़ावा देना, बढ़ावा देना, निर्यात गी अगले 5एं बरें च 2 ट्रिलियन डालर तगर पुजाना, स्वदेशी मेले च छड़ी भारत

भारत च तैयार चीजे गी रखने दी ताकीद, विदेशों पर निर्भरता घट्ट करना ते व्यापक सांझ भ्याली दा दा सुझा शामिल ऐ।

<><><><><><>

Trump-Iran

अमरीका दे राष्ट्रपति डानल्ड ट्रम्प होरें चेतावनी दिंदे होई आखेआ ऐ कि ईरान कश समा हून बड़ा घट्ट रेही गेदा ऐ। एहू बयान राष्ट्रपति ट्रम्प होरें कल इजराइल दे प्रधानमंत्री बैनजामिन नेतनयाहू हुंदे कन्नै गल्लबात दे बाद आया ऐ। अमरीका ते ईरान बश्कार तनाव दिनो दिन बधदा जा करदा ऐ। सोशल मीडिया पर राष्ट्रपति ट्रम्प होरें तेहरान अगगे समझौते दी दिशा च कदम अगड़े बधाने दा आह्वान कीता ऐ। ईरान दे रक्षा मंत्रालय दे प्रवक्ता रजा तलाई निक होरें आखेआ कि अमरीका ते इजराइल दी तरफा कुसै बी हमले दा सामना करने लेई उंदी फौज पूरी चाल्ली तैयार ऐ। होमुर्ज जलडमरूमध्य मुख्ख तौरा पर तनाव दी बड़्डी बजह बने दा ऐ। इसै दरान साउदी अरब नै अज्ज त्रै ड्रोन रोकने दा दावा कीता ऐ। एहू घटना संयुक्त अरब अमीरात दे बरकाह परमाणु उर्जा संयंत्र पर ड्रोन हमले दे इक दिन बाद होई ऐ। तोआई दुई बक्खी इजराइल नै संघर्ष विराम दे बावजूद लेबनान पर बम्बारी जारी रखी दी ऐ।

<><><><><><>

HM-Raipur

केंद्री गृह ते सहकारिता मंत्री अमित शाह होरें अज्ज नमें ते अज्जै-कल्लै दे जमाने मताबक तैयार डायल 112 आपातकालीन प्रक्रिया गड्डियें ते आधुनिक फारेंसिक मोबाइल वैनें दे दस्ते गी हरी झंडी दस्सी। राजयपुर च आयोजित इक बड़े समारोह च इनें सेवाएं दा शुभारम्भ कीता गेआ। मुख्खमंत्री विष्णु देओसाई, उपमुख्खमंत्री विजय शर्मा ते छत्तीसगढ़ विधानसभा दे स्पीकर रमन सिंह होर इस मौके मजूद हे। डायल 112 आपातकालीन सेवा पैहले छत्तीसगढ़ दे 16 जिलें च उपलब्ध ही, मगर हुन एहू सेवा सारे 33 जिलें च उपलब्ध होगा।

<><><><><><>

IPL

आईपीएल च अज्ज चेन्नई सुपर किंग्स दा मकाबला सनराइजर्स हैदराबाद कन्नै होगा। हैदराबाद दे एम.ए चिदंबरम स्टेडियम च एहू मैच हुनै कोला किश चिर मगरा ठीक साड्डे 7 बजे शुरू होगा। अंक तालिका दी रैंकिंग साब्वै एल्लै सनराइजर्स हैदराबाद दी टीम त्रीए ते चेन्नई सुपर किंग्स 5में नंबर पर ऐ। तोआई, दिल्ली कैपिटल्स नै राजस्थान रायल्स गी 5 विकटें कन्नै हराइयै प्ले आफ च पुज्जने दी मेद बरकरार रक्खी दी ऐ। कल खेड्डे गेदे इक मैच च दिल्ली नै 194 रन दे लक्ष्य दे परते च 19 ओवर ते 2 गेंदें च 5एं विकटें दे नुकसान पर 197 रन बनाइ मैच जित्ती लैता हा। तोआई, कल दिनें धर्मशाला च खेड्डे गेदे इक होर मैच च रायल चैलंजर्स बेंगलुरु ने पंजाब किंग्स गी 23 रन कन्नै हराइयै प्लेआफ लेई क्वालीफाई करने आहली पैहली टीम बनी गेई ऐ। बेंगलुरु 222 रन दे परते च पंजाब दी टीम 8 विकटें दे नुकसान पर 198 रन गै बनाई सकी।

<><><><><><>

Asian-Weight Lifting

भारत नै गांधी नगर च एशियाई वेट लिफ्टिंग चैंपियनशिप 2026 च कुल 10 तगमे जित्ते न जिंदे च 9 कैहू दे ते 1 चांदी दा तगमा शामिल ऐ। जियांगशान च पिछले संस्करण दे मकाबले भारत दी एहू बड्डी उपलब्धि ऐ। राष्ट्रमंडल खेड्डें च कैहू दा तगमा जित्ते आहले लवप्रीत सिंह नै प्रतियोगिता दी खीरले रोज मर्दे दे 110 किलोग्राम कोला मते भारत आहले वर्ग च 386 किलोग्राम भार तुलकियै 5मीं थाहर हासल कीती। उन्नै सैच च 174 किलोग्राम ते क्लीन एंड जर्क च 212 किलोग्राम बवज चुक्केआ। भारत दा इक्मात्र चांदी दा तगमा ज्ञानेश्वरी यादव नै महिलाएं दे 53 किलोग्राम सैच स्पर्धा च जित्तेआ।

<><><><><><>

IMD

भारती मौसम विभाग नै उत्तर पच्छमी भारत दे मैदानें च मध्यीय भारत च इक हफ्ते खरी मती गर्मी पौने दी पेशगोई कीती ऐ। विभाग मताबक गर्मी दा प्रकोप शनिवार धोड़ी उत्तर प्रदेश च रौहगा राजस्थान, पंजाब, हरियाणा, चंडीगढ़ ते दिल्ली च बी इये जनेय हालात बने दे रौहडन। मौसम दे जानकारें उत्तर पच्छमी भारत च बढ़ोबढ़ तापमान च 3 थमां 5 डिग्री सेल्यिस दे बाहे दी मेद जताई दी ऐ।

<><><><><><>

Weather-JK

मौसम विभाग श्रीनगर दे निदेशक मुख्तार अहमद होरें जम्मू खित्ते च अगले 24 घंटे दरान गर्म ब्हाऽ चलने दी पेशगोई कीती ऐ। मैदानी इलाके च मौसम खुशक ते गर्म बने दा रौहगा। उनें आखेआ जे जम्मू खित्ते च तापमान केई सारी थाहें पर दिनें 2 थमां 4 डिग्री सेल्यिस तगर बदी सकदा ऐ। इस्सै दरान कश्मीर च मौसम आमतौर पर गर्म ते खुशक रौहगा। उनें आखेआ जे दपैहरी मगरा धूड आहली अंधी चली सकदी ऐ।

<><><><><><>

LG-Amarnath

जम्मू-कश्मीर उपराज्यपाल मनोज सिन्हा होरें श्री अमरनाथ श्राइन बोर्ड यात्री निवास पंथा चैक थाहू चला'रदे कम्मै दा जायजा लैता। उनें चला'रदे निर्माण कम्म ते इंतजामें दा जायजा लैता। इस मौके पर उपराज्यपाल होरें ढांचागत विकास, रिहायश, साफ-सफाई ते होर दुई जरूरी सुविधाएं दी प्रगति दा निरीक्षण कीता। उनें अफसरें गी हिदायत कीती जे ओहू बकाया कम्मै गी तेजिया कन्नै सबूरा करना। उनें कम्मे दे म्यार बनाई रखने ते श्रद्धालुएं लेई सुरक्षित, अरामदायक ते सुविधाजनक रिहायश उपलब्ध करोआने दे बी निर्देश दित्ते।

<><><><><><>

JK-Govt. DA

जम्मू-कश्मीर सरकारै अपने मलाजमें ते पेंशनरें लेई महंगाई भत्ता बधाने दी घोशणा करी दित्ती ऐ। ऐ। 7में तनखाह कमीशन तैहत डी.ए 58 प्रतिशत शा बदाइयै 60 प्रतिशत करी दित्ता ऐ जेहडा पैहली पैहली जनवरी 2026 थमां लागू होग जिसलै जे 6में तनखाह कमीशन तैहत दे मलाजमें लेई बाद्दा 257 प्रतिशत कोला बधाइयै 262 प्रतिशत करी दित्ता गेआ ऐं आकाशवाणी दे जम्मू संवाददाता नै

नै जानकारी दित्ती ऐ जे वित्त विभाग नै इस बारै बक्खरे-बक्खरे आर्डर जारी कीते न। नमें सिरेआ तैह सिरेआ तैह महंगाई भत्ता मई 2026 थमां लेइये तनखाई च दित्ता जाह्ग जिसलै कि जनवरी कोला लेइयै अप्रैल धोड़ी दे बकाए जनरल प्रोविडेंट फंड च जां फही नकद, जियां बी लागू होग दित्ते जाडन। जाडन।

<><><><><><>